



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დიდი მცხეთის არქეოლოგიური მუზეუმ-ნაკრძალი



არმაზციხე (ბაგინეთი).
ძვ. წ. II-I სს.

დიდი მცხეთის არქეოლოგიური მუზეუმ-ნაკრძალი, დაარსდა მცხეთაში 1985.

1940 პიტიახშთა არმაზისხევის (ქართლის ხევის) არქეოლ. - ხუროთმოძღვრული კომპლექსი და მისი მიმდებარე ტერიტორია საქართვე. სსრ სახკომსაბჭოს დადგენილებით გამოცხადდა არქეოლ. ნაკრძალად, 1957 კი საქ. სსრ მინისტრთა საბჭოს დადგენილებით შეიქმნა მცხეთის არქეოლ. ნაკრძალი, რ-იც მოიცავდა ტერიტორიას მდ.

მტკვრისა და მდ. არაგვის შესართავის ხერთვისიდან (ნახევარკუნძული) ბებრის ციხემდე. 1977 წ. 14 სექტ. საქ. სსრ მინისტრთა საბჭოს დადგენილებით მხარეთმცოდნეობის მუზეუმის ბაზაზე დაფუძნდა მცხეთის ხელოვნებისა და ისტ.-არქიტ. ნაკრძალი, 2001-იდან - დიდი მცხეთის მუზეუმ-ნაკრძალი. საქართვე. პრეზიდენტის 2006 წლის ბრძანებულებით შეიქმნა სსიპ დ. მ. ა. მ.-ნ. 2008 წ. ნოემბერში საქართვე. პრეზიდენტის ბრძანებულების საფუძველზე დ. მ. ა. მ.-ნ. „საქართველოს კულტურული მემკვიდრეობის დაცვის სააგენტოს“ სტრუქტურული ერთეული გახდა.

დ. მ. ა. მ.-ნ-ის ფონდებში დაცულია სხვადასხვა ეპოქისა (ძვ. წ. IV ათასწლეული - ახ. წ. XI-XII სს.) და ეთნოკულტურული წრის არქეოლ. ეთნოლოგიური ძეგლები (XVIII-XIX სს.) და ფოტოარქივი (XIX-XX სს.). სულ 30 ათასამდე საკოლექციო ერთეული.

დ. მ. ა. მ.-ის არეალში შედის ისეთი ძეგლები, როგორცაა პიტიახშთა არმაზისხევის კომპლექსი, სამეფო აკლდამა, სამთავროს ძვ. წ. VI ს-ის ნამოსახლარი და მრავალფენიანი სამაროვანი, იუნესკოს მიერ 1997 მსოფლ. მემკვიდრეობის ნუსხაში შეტანილი არმაზციხის (ბაგინეთი) აკროპოლისი და სხვ. დ. მ. ა. მ.-ში დღიდან დაფუძნებისა მოქმედებდა მუდმივი ექსპოზიცია;

2001 შეიქმნა რამდენიმე მიმართულების საგამოფენო პროგრამა (დიდი მცხეთა და ქვეყანა მისი, საქართვე. სამუზეუმო კოლექციების გამოფენა მცხეთაში, თემატური ხასიათის საგაზაფხულო-საშემოდგომო ექსპოზიციები). დ. მ. ა. მ.-მა საქართვე. ტექნიკურ უნ-ტთან, თ. ლორთქიფანიძის სახ. არქეოლ. კვლევის ცენტრთან, თბილ. სამხატვრო აკად. რესტავრაციის ფაკ-ტთან ერთად განახორციელა რამდენიმე პროექტი: დ. მ. ა. მ.-ის ფონდში დაცული კეთილშობილი ლითონებისგან დამზადებული I-IV სს. არქეოლ. ძეგლების ქიმიურ-ტექნოლ. ანალიზი (2001-03), ლითონმქანდაკებლობის 360 ძეგლისა (2004-05) და მინისა და თიხის ნაწარმის აღდგენა-გამაგრება (2003-08).

საფონდო კოლექციების შესწავლის საფუძველზე მომზადდა 7 სამაგისტრო ნაშრომი. XX ს. 60- 70-იან წლებში მცხეთის არქეოლ. ექსპედიციასთან ერთად, ხოლო 2003-08 დამოუკიდებლად, დ. მ. ა. მ.-ის ინიციატივით ჩატარდა სადაზვერვო-სტაციონარული არქეოლ. გათხრები ისტ. დიდი მცხეთის სხვადასხვა უბანზე.

თ. ბიბილური
